

ROMANI LOVARI

Stopp! Muro stato!

Instrukcia – skurto versia.



Rädda Barnen

STOPP! MURO STATO!

O gindo pala” Stopp! Muro stato” si te keras o temato maj letko te vorbis pa leste šavorenge aj dosrosli manuŝenge. Šavora trubul te ačharen so o dorosli manuŝ aj kaver šavora šaj keren vaj na lenge sta tosa, thaj ke ŝoha naj e šavoreski doŝ vareso te kerdžola thaj vi te žanen ke mindig birin te vorbin jekhe doroslone manuŝesa kana trubuj.

Stopp! Muro stato! naj kerdino e šavora korkora te aŝaven thele diskriminacia aj seksualni nasulimata karing lende. Kodo obovjonsko naŝtik ŝoha te ašel pe šavoreste ferik ke mindikh si le doroslone manuŝengo obovjonsko, numa kana keres o temato maj letko te vorbis pa leste birin maj letko le dorosli te ačharen so si aj so naj.

Kana pa kreativni metodi vorbis le šavorensa pa lengo stato, emociji thaj granjici maj letko avla šavorenge te ŝuven vorbi pe kodo so nakhen thaj keres lenge maj letko maj sigo te mangel žutipe.

INTRODUKCIA

Te vorbis đavorensa pa stato thaj granjici šaj avel phares, kado si phare te ačhaves bute doroslone manušenge. Kam daran ke daravena e šavores vaj kam sim o temato ladžavo lenge. Vi šaj unjivar avel phares te arakhes e vorbi kaj kames te hasnis.

Numa kana vorbisaras pa stato thaj granjici le šavorensa das le pačape ande pende korkorra thaj bezpiecnosc ke o stato si vareso kuč kaj von korkorra parančulin pe leste.

Šavorenge butivar si čekavo lengo stato thaj vi kaverengo stato de katar kodo ke si tsine. Kado si normalno aj mišto numa vi si važno te šuves vi razni regulura. Sar exemplo naj slobodo šavorenge te azban vaj te sikaven peske privatni katora kana ferik kamen.

Kana shavora kerdžon maj phure važno si te aves kote aj te vorbis lentsa pa relaciji aj pa kodo duj žene te aven zgodni, so si okej aj so naj okej. Kana vazdes temato vi vazdes e šansa ke šavora avena amende kana si le pušimata aj ke mangena žutipe kana vareso či ačhardžol mišto.

VORBENGI LISTA

Privatni kotora – Si kotora le statoske kaj si privatni. Kodo si e mišori, karoro thaj e bulori.

Statoske regulura – Statoske regulura si jekh metoda kaj sikaves so si slobodo aj so na. Tu korkori parančulis pe čiro stato, specialnie kana avel kaj čire privatni kotora. Kanikaske naj slobodo te dukhavel čiro stato. Tu phenes so si tuke mišto aj so na. Kanikaske naj slobodo te fotografulin vaj te len thele čire privatni kotora po video. Te si ke kames te azbas vaj te khikides jekhe amales musaj te žanes anglunes ke slobodoj.

Laše aj čore sekretura - Laše sekretura si kasave bajura kaj lošaren ame aj pheren ame expectācijasa. Laše sekretura butivar či phenas pa lende. Čore sekretura si kasave kaj keren te ačhaves briga, dar vaj kasave bajura kaj dukhal o per kana gindos pa lende. Čore sekretura šaj phenes le kaverenge – vi te si ke varekon phendas ke naj slobodo te keres kodo. Kana vorbis pa laše aj čore sekretura zurares le šavoren te na daran te purin avri nasul buča kaj so nakhle aj kaj varekon phendas ke naštik purin avri.

Duj žene te aven zgodni - Duj žene te aven zgodni značij ke tu parančulis so keres čire statosa aj ke kaver manuš parančulin pe pesko stato. Mindig važno si te žanes avri či kaver manuš kamen. Te kamesa te keres vareso kavere manušeske statosa, musajij kodo manuš te zgodžij pe. Kodo značij ke tu musaj te žanes či o kaver manuš kamel thaj "ačarel sa kade". Te žanes či varekon zgodžij pe trubuj te pušes. Naj slobodo te des mita, te manges zorasa vaj te daraves. Jekh manuš kaj či del anglal vaj si skeptično či das peski zgoda.



LE MAJ TERNE ŠAVORA

- **Mukh le šavores te avel tusa aj te kerel kodol bajura kaj birij**, sar te thovel pe vaj te uravel pe. Sa kodi vrama šaj žutis le šavores tu šuvel vorbi pe privatni kotora sar e mišori, o karoro aj e bulori.
- **Respektulin e šavoreske granjici** pa pušimata žipun fysicnie azbas le sar exemplo ke khikides vaj čumides le. Kado žutij le te ačharen pe mišto aj bezpiecni ande peske relaciji.
- **Vorbin le šavoresa**, te sičol te phenel jo aj na aj te pinžarel aj te phenel te si ke ačharel pe na mišto so varekon kerel lenge statosa. Vorbin či pa važni regulura sar te dikhes po stato te žutis le šavores te ačharen pe bezpiecni aj te žanen so te keren kana vareso či ačhardžol mišto aj so te keren kana vareso ačhardžol čores.

ŠAVORA ANDE ŠKOLAKE BERŠ

- **Mukh o šavoro korkori te parančulij pe pesko stato.** Phen lenge ke len si e prava te parančulin pe pesko vlasno stato aj ke šaj phenen na te na kamena vareso.
- **Vorbin le šavorensa pa stato aj pašipe.** Vazde o temato kana dikhen ke kerdžon aktualni bajura pa kado ande media vaj kana ginadan vaj dikhlan vareso pe televizia.
- **Sikav ke kames te žutis.** Tu kam či žanes sako falo numa birin te den po agor ande problemura ketane. Phen lenge ke birin te vorbin tusa pa sako falo aj te phenen tuke kana ačhardžol na mišto vaj ke daran.

MAJ BARE SHAVORA (ADOLECENCJA)

- **Vorbin maj dur aj puterdes.** Vorbin pa kado te sikaves ke hal tu bajo aj nevar čiri informacia pa kado regularnie. Te vorbisa maj butivar či ačhardžola kade phares. Av interesovano kana avel kaj lenge gindura aj puš. Kam či phenena tuke palpale kade but, numa kado si okej.
- **Žan so si le problemura.** Ačhar ke sexualni nasulimata šaj kerdžon maškar terne manuš ande sa kodola berš aj le sama pe kado. Ačhar ke sexuanli nasulimata birin te kerdžon akarkaj aj vi po internet.
- **Sikav ke san kote aj ke san interesovano.** Sikav ke hal tu bajo aj ke šunes kana o maj baro šavoro kamel te vorbij. De le e bezpiecnosc te žanen ke šaj vorbin tusa pa sakone faloste, vi kana si ladžavo vaj haj lenge.

TE SI KE DARAS

- **Ačhar čiri dar:** Žipun vorbis le šavoresa, zumav te ačhares sostar daras. Le tu katar jekh konkretno punkto aj na šuv preso pe šavoreste pušimatonsa. Le sama te na keres konkluziji za sigo kana avel kaj seksualni nasulimata.
- **Av kote lenge aj žutin le:** Kana vorbis le šavoresa, sikav ke san kothe te šunes aj te žutis. Phen ke slobodoj te phenen tuke vareso te ačhardžola čores aj ke si kaver dorosli manuš kaj šaj vorbin lentsa. Phen le šavoreske ke naj lengi doš aj ke si žutipe kaj šaj len.

PATRETO PE STATOSKE REGULURA



Te vorbis šavorensa pa stato, emociji thaj granjici šaj unjivar avel phares. But dada aj deja či vorbin pa kado temato ke daran ke daravena le šavores vaj ke ačhardžola na mišto. Te arakhes le vorbi šaj avel phares. Numa sa jekh si važno te aves phuterdo le šavorensa. Kana vorbis lensa pa lengi prava kaj o vlasno stato thaj granjici so si slobodo aj na, keras majfeder te ačharen pe aj te ačharen pe bezpiecni.



Rädda Barnen